

COIRA: final teir da gruppas

## Rothenbrunnen gudogna cun dus Sursetters

**G.N.S. Igl quintet da Rothenbrunnen è nia campion grischun aint igl camp D, arma da militer e schluppet 57/03. Tratg cun chella grupp on er bab e feagl: Franz Josef Plaz e Kevin Plaz (22 onns), uriunds da Savognin.**

Igls tschintg tiradours da Rothenbrunnen vevan gio persvadida ainten las dus prerundas da qualifi aziun e gist gudagnea chellas. Igl fundamaint per la victorgia aint igl fi al cantunal è fatg cunzont Kevin Plaz cun far 145 e 143 puncts. La grupp dalla Tumliastga è neida campionesa grischuna cun 1418 puncts, (amprema runda 713 puncts), dus puncts dapple tgi chella da Tumegl. Sa qualifi geidas per l'amprema runda naziunala èn er las dus gruppas digls Tiradours da sport Alvra egn aint igl camp A (Farrera) e l'otra aint igl camp D (Ardüser's). Fatg ena buna experienscha on las dus gruppas da Sotgôt e da Surgôt er sainza contanscher la concorrenza svizra.



La grupp victoura da Rothenbrunnen. (da san.) Mauro Ardüser, Franz Josef Plaz, Carl Frischknecht, Dirk Frischknecht e Kevin Plaz.

TEIR CAMPESTER: Gian Ardüser, Casti

## Migler giuvenil digl antier Grischun

**G.N.S. 181 giuvenils dad 11 anfignen 16 onns èn sa participos agl teir campester avant 12 deis. Gian Ardüser da Casti è saggio cun 65 puncts en resultat excellent e sto cun chel igl migler giuvenil digl antier cantun.**

Gian Ardüser (annada 2007) dereiva or d'ena dinasteia da tiradours e da catscheders. Sies bab Gino Ardüser è per exaimpel er sto avant 25 onns campion grischun digls juniors ed igls davos dus decennis savens segl podest tar bleras occurrenzas da teir. Ossa survignan igls quatter frars Toni, Sepp, Gino e David Ardüser cun Gian Ardüser concorrenza or dall'atgna famiglia. El è damai sto tigl teir campester 2019 igl migler giuvenil digl cantun. Ainten la rangaziun generala, giuvenils e juniors cun 463 participants figurescha igl mattatsch da Casti segl 13avel post. Bravo!



Gian Ardüser cun 12 onns gio en veir campion cun l'arma da militer.